Instituted 1921



Federated 1921

This is an extract from Burns' poem written over the winter of 1785-86

SCOTCH DRINK

Let other poets raise a fracas

"Bout vines, an' wines, an' drucken Bacchus, An' crabbit names an' stories wrack us, An' grate our lug:

I sing the juice Scotch bear can mak us, In glass or jug.

O thou, my muse! guid auld Scotch drink! Whether thro' wimplin worms thou jink, Or, richly brown, ream owre the brink, In glorious faem, Inspire me, till I lisp an' wink, To sing thy name!

Let husky wheat the haughs adorn, An' aits set up their awnie horn, An' pease and beans, at e'en or morn, Perfume the plain: Leeze me on thee, John Barleycorn, Thou king o' grain!

On thee aft Scotland chows her cood, In souple scones, the wale o'food! Or tumblin in the boiling flood Wi' kail an' beef; But when thou pours thy strong heart's blood, There thou shines chief.

Food fills the wame, an' keeps us leevin Tho' life's a gift no worth receivin, When heavy-dragg'd wi' pine an' grieving But, oil'd by thee, The wheels o' life gae down-hill, scrievin, Wi' rattlin glee.

Glossary: Bear – barley

Faem – foam Haughs – hollows

Leeze me on thee - blessings on thee

Wale – choice Wame – belly

Scrievin - careering.